

„Շուշեցի հայը“, որ բաւական բնորոշ և գեղեցիկ գործ է: Բայց որքա՜ն տշխատանք է հարկաւոր պարոնին, որ վերջ ի վերջոյ իւր համար ճանապարհ հարթի: ԳՆՂԱՍԷՐ

ԳԻՏԱԿԱՆ ՆՈՐՈՒԹԻՒՆՆԵՐ

ԴՐ. ՄՕՐՏՕՆԻ ՓՈՐՁՆԵՐԸ: Ամերիկական թերթերը հաղորդում են Դր. Մորտոնի կատարած փորձերի մասին ըաղի — ակտիւ վերաբերութեամբ: Մորտոնը յայտնում է, որ ըաղին գործ դնելով ինչպէս բժշկական միջոց, բժշկել է խլիւրդի (քաշ) երեք դէպք, և այժմ երկու նման հիւանդներ էլ բժշկուելու վերայ են:

Նորա ասելով, բժշկութեան ոյժը նորա մէջն է, որ ըաղին գեղերին տալիս է լուսի ճառագայթներ, որոնք իբրև հեղուկ լոյս թափանցում են զարկերակների մէջ: Ըաղին և X-ճառագայթները կարող են խլիւրդը բժշկել, մինչև որ սա չէ բացուել: Երբ լուսի ճառագայթները թափանցում են ամբողջ արիւնային համակարգութեան մէջ, այդ լոյսի տպաւորութիւնը սկսում է ներգործել հիւանդ տեղերի վերայ: Մտամբքի մէջ զգուշութեամբ կարելի է ներս տանել ըաղիով մի փոքր անօթ, որ և կներգործէ շրջապատող միջավայրի վերայ: Հիւանդին կարելի է տալ լուսի ճառագայթներ պարունակող ջրից փոքր ինչ, բայց մեծ զգուշութեամբ, որովհետև խիստ ներգործող միջոցներիցն է այն:

Խլիւրդը բժշկելիս Մորտոնը առաջ տալիս է քինա կամ ուրիշ դեղ, որ ընդունակ է ճառագայթների ազդեցութեամբ ներընդունել ճառագայթները: Եւ այնուհետև հիւանդներին ենթարկում է ըաղիի կամ X-ճառագայթների ազդեցութեան: Նա յայտնում է որ երեկի հետեանքների է հասել ճահճատենդը, լուպուսը, տուբերկուլիոզը և այն բոլոր հիւանդութիւնները բժշկելիս, երբ հարկաւոր էր վնասուած հիւսուածները փոխարինել նոր, թաքմ հիւսուածներով, որոնք ընդունակ լինին դիմադրել մանրէների զարգացման:

Դր. Մորտոնը համոզուած է, որ լոյսը ներմուծելով արեան մէջ և յետոյ փոխարինելով ըաղիով՝ կարելի է բժշկել թութախտը: Ըաղին և X-ճառագայթները կազմակերպում են նոր հիւսուածներ: Բայց զգուշութեամբ պէտք է գործադրիլ, որովհետև նա, շատ խիստ չափով՝ առողջացնելու փոխարէն կարող է սպանել:

ԵՂԻՍՏՕՆԻ ՆՈՐ ԳԻՏԸ: Էդիսսոնը չուտով կծանուցանէ իւր նոր գիւտի մասին, որով հեռախօսի միջոցով խօսողը կը տեսնէ միևնոյն ժամանակ և այն անձի դէմքը, որ խօսում է նորա հետ: Այս գործի վերայ Էդիսսոնը աշխատում է 1889 թուից սկսած:

ԷԼԵԲՏՐԱԿԱՆ ՍՈՒՐԶԱՆԴԱԿ. Իտալացի ճարտարագետ ԼՈՒՄՅՑ

Պիսիչէլին գտել է նամակները փոխադրելու նոր եղանակ: Նամակները ուղարկում են փոքրիկ վագոններով, որոնք շարժողութեան են ենթարկւում ելքարականութեամբ հեռագրական թելերի վերայով: Լօնդօնում կազմակերպուել է մի ընկերութիւն այս գիւտը շահագործելու համար: Այս եղանակով առաջին անգամ նամակներ ուղարկուելու փորձերը կատարուել են Հոռմի և Նէպպօլի միջև: (H. օճ.)

ՇԻՃՈՒԿ ԹՕԴԱՔԱՄՈՒ ԴԷՄ: Գերմանացի դր. Մէնցէրը կարծէք վճռել է յօդաքամու հաստատապէս բժշկութեան մեծ խնդիրը: Համոզուած լինելով, որ այս հիւանդութիւնը առաջ է գալիս յօդերում մի առանձին մանրէից, նա այս մանրէներից շինուկ պատրաստեց: Յետոյ նա իւր շինուկը փորձեց յօդաքամիով 7 հիւանդների վերայ, որոնց մէջ կային և ծանր հիւանդներ, սրտի հիւանդութեան բարդութիւններով, որոնք չէին բժշկոււմ սովորական եղանակով: Սրսկելուց յետոյ հիւանդ յօդերում առաջ է գալիս սաստիկ կարմրութիւն, ուռոյց և ցաւ, ջերմը աւելանում է, նշիկները կարմրում են, առաջանում է գլխի ցաւ: Իսկ մարմնի վերայ երբեմն երևում են նոյն իսկ բծեր, բայց այս ամենը միայն կարճ ժամանակ, իսկ 8—14 օրից յետոյ յօդաքամին անցնում է անհետ: Առողջացածների թւում կար ի միջի այլոց մի 25 տարեկան կին, որ 3 ամիս շարունակ բժշկոււմ էր հանգուցաւոր յօդաքամուց և ձեռները ծալել չէր կարողանում: Սրսկելուց ծալելու շարժումները վերականգնեցան 2—3 օրից: Նոյնպիսի հետեանք է ստացուել և ծնկան անշարժութիւն ունեցող յօդաքամոտի բժշկութեան դէպքում: («С. П. В.»):

ՕՐ. ՆՈՒԱՐԴ ԱՂԱՆԵԱՅ